



001-287

PENGKISAHAN SEJARAH
KUALA LUMPUR
SATU DEKAD PENUH CABARAN
1946 - 1956

APB 863076

MASKHAH PEMELIBARAAN
07 DEC 1996 PERPUSTAKAAN NEGARA MALAYSIA

14 JULAI 1994, JAM 9.00 PAGI
DI TINGKAT 30
BANGUNAN DEWAN BANDARAYA
JALAN RAJA LAUT
KUALA LUMPUR

Anjuran Bersama
PUSTAKA PERINGATAN KUALA LUMPUR
Dan
ARKIB NEGARA MALAYSIA

APB
9405116
PN

OL
18/12/94

OBJEKTIF

UNTUK MENGUMPUL DAN
MENDOKUMENTASIKAN MAKLUMAT
MENGENAI SEJARAH BANDARAYA
KUALA LUMPUR PADA ZAMAN
SELEPAS PERANG DUNIA KEDUA
HINGGALAH DI SAAT-SAAT NEGARA
MENCAPAI KEMERDEKAAN

**PENGKISAHAN SEJARAH
KUALA LUMPUR 'SATU DEKAD PENUH
CABARAN' 1946-1956**

- Dirasmikan oleh : Y. Bhg. Dato' Matshah B. Sapuan
Pengerusi Lembaga Pengurusan
Persatuan Perpustakaan
Kuala Lumpur
- Ahli Panel : Y. Bhg. Tun Omar Ong Yoke Lin
- : Y. Bhg. Tan Sri S.O.K. Ubaidulla
- : Y. Bhg. Datin Sri Cempaka Hajah
Kontik Kamariah Bt. Ahmad
- Pengerusi : Y. Bhg. Prof. Madya Mahadzir
B. Mohd Khir

SEJARAH RINGKAS KUALA LUMPUR 1946 - 1956

Kemenangan Pihak Berikat dalam Perang Dunia Kedua telah memaksa pihak tentera Jepun menyerah kalah di Asia Tenggara. Di Malaya Jepun telah menyerah kalah kepada pihak British pada 9 Sept 1945 dengan diketuai oleh General Seishiro Itagaki kepada pihak British yang diwakili oleh Lord Louis Mountbatten. Upacara penyerahan secara rasmi telah dilakukan pada 13 Sept. 1945 di Victoria Institution, Kuala Lumpur.

Kuala Lumpur telah dipilih sebagai tempat untuk upacara penyerahan yang bersejarah ini. Pemilihan Kuala Lumpur adalah berdasarkan kepada pembangunan bandar ini yang agak pesat dari mula ianya dibuka hingga kepada selepas perang Dunia Kedua. Pihak Inggeris juga bercadang menjadikan Kuala Lumpur sebagai pusat pentadbiran mereka di Tanah Melayu. Kuala Lumpur sememangnya dari mula lagi menarik minat pihak Inggeris. Pada tahun 1880 Inggeris telah memindahkan pusat pentadbiran negri Selangor dari Klang ke Kuala Lumpur.

Pada tahun 1946, Kuala Lumpur sekali lagi telah dipilih menjadi pusat pentadbiran Inggeris apabila British kembali ke negara ini dengan Gagasan Malayan Union, mereka telah memilih Kuala Lumpur sebagai ibu negeri bagi Malayan Union.

Gagasan Malayan Union telah ditentang habis-habisan oleh orang Melayu dari semua golongan dan peringkat masyarakat dan ini amat memeranjatkan pihak British. Kebangkitan semangat kebangsaan di kalangan orang Melayu dapat dirasai di mana-mana sahaja. Kemuncak kebangkitan ini telah dapat dilihat apabila satu Kongres Melayu yang pertama telah diadakan pada 1 hingga 4 Mac 1946 di Kelab Sultan Sulaiman, Kampong Baru, Kuala Lumpur. Kuala Lumpur sekali lagi telah mendapat tempat dalam catatan sejarah negara. Selepas kegagalan rancangan Malayan Union oleh British ini, satu pendekatan baru telah dibuat iaitu menubuhkan Persekutuan Tanah Melayu pada 1 Februari 1948.

Kuala Lumpur telah dipilih sebagai ibu kota Persekutuan Tanah Melayu. Sebuah Lembaga yang dikenali sebagai "Lembaga Bandaran" (*Town Board*) telah ditubuhkan untuk mengendalikan urusan-urusan berhubung

dengan perbandaran Kuala Lumpur. Lembaga Bandaran yang baru ditubuhkan ini adalah untuk menggantikan "Lembaga Kesihatan" (*Sanitary Board*) yang telah ditubuhkan terdahulu. Pentadbiran Kuala Lumpur sekarang telah dijalankan sepenuhnya oleh "Suruhanjaya Perbandaran" atau "*Municipal Commission*". Melalui pentadbiran yang baru pembangunan Kuala Lumpur telah dapat dipesatkan lagi, banyak perkhidmatan dan projek-projek pembangunan telah dilaksanakan termasuk pembinaan rumah-rumah kos rendah, projek-projek pembentungan, pembinaan sekolah-sekolah dan sebagainya.

Pada tahun 1951 Suruhanjaya Perbandaran telah disusun semula untuk tujuan Pilihanraya Perbandaran yang pertama, Suruhanjaya Perbandaran ini kemudian di kenali sebagai Majlis Mesyuarat Perbandaran (*Municipal Council*) yang terdiri dari dua belas orang ahli yang dipilih dan enam orang ahli dilantik dan ianya dipengerusikan oleh seorang Yang Dipertua dari Perkhidmatan Awam. Walau bagaimanapun peraturan ini adalah untuk sementara sahaja Pilihanraya Perbandaran Kuala Lumpur pertama yang telah diadakan pada tahun 1952 dan Parti Perikatan telah memenangi Pilihanraya Perbandaran yang pertama ini.

Majlis Perbandaran terus memainkan peranan untuk memajukan Kuala Lumpur. Kepercayaan para pengundi tidak mereka sia-siakan. Pada tahun 1955 Pilihanraya Umum yang pertama telah diadakan dan sekali lagi Parti Perikatan mencapai kejayaan yang besar. Selepas kejayaan ini tindakan untuk mendapatkan Kemerdekaan sepenuhnya dari pihak British diteruskan. Rundingan demi rundingan diadakan di dalam dan luar negeri. Akhirnya pihak British telah bersetuju untuk memerdekaan Persekutuan Tanah Melayu.

Kemerdekaan Persekutuan Tanah Melayu telah disambut dengan penuh makna oleh seluruh rakyat. Tepat jam 12 tengah malam 31 Ogos 1957 bertempat di Padang Kelab Selangor, di tengah-tengah bandar Kuala Lumpur laungan "Merdeka" memenuhi suasana yang penuh bersejarah. Kuala Lumpur telah menyaksikan berbagai peristiwa bersejarah dan penuh cabaran Kuala Lumpur sekali lagi dipilih sebagai ibu kota bagi negara baru Malaya dan kemudian menjadi ibu kota Malaysia pada 1963 sehingga hari ini. Bandaraya Kuala Lumpur terus berkembang pesat menjadi tumpuan dan sebutan di seluruh dunia.

Y. BHG. TUN HAJI OMAR ONG YOKE LIN

Tun Haji Omar Ong Yoke Lin dilahirkan pada 23 Julai 1917 di Kuala Lumpur dan menerima pendidikan awal di Victoria Institution, Kuala Lumpur Beliau kemudian telah melanjutkan pelajaran ke Universiti London pada tahun 1934

Pada Pilihanraya Perbandaran Kuala Lumpur yang diadakan pada bulan Februari 1952, Tun Omar dipilih sebagai Ketua Majlis Perbandaran Kuala Lumpur dan sekali lagi memegang jawatan tersebut apabila beliau menang tanpa bertanding pada tahun 1954

Pada tahun 1954 juga Tun Omar dilantik sebagai Ahli Dewan Undangan Negeri Selangor dan Majlis Mesyuarat Undangan Persekutuan Semasa Pilihanraya Umum yang pertama diadakan pada tahun 1955, Tun Omar telah menang bertanding atas tiket Parti Perikatan Beliau kemudiannya telah dilantik sebagai Menteri Pos dan Telekom seterusnya sebagai Menteri Pengangkutan tahun 1956

Penglibatan aktif beliau sejak dari pilihanraya yang pertama, telah menyebabkan beliau dipilih untuk menduduki Jawatankuasa Khas Parti Perikatan merangka Perlembagaan Persekutuan Tanah Melayu Tun Omar juga turut menyertai rombongan ke London untuk rundingan-rundingan Kemerdekaan pada April 1957 Beliau kemudiannya dilantik sebagai Menteri Buruh dan Kebajikan Masyarakat dari tahun 1957 hingga 1959, Menteri Kesihatan dan Kebajikan Masyarakat dari bulan November 1959 di samping memangku jawatan Menteri Pertahanan, Perdagangan dan Perusahaan serta Menteri Pertanian dari masa kemasa Tun terus menjadi anggota Kabinet tiap-tiap kali Pilihanraya Umum di adakan, iaitu tahun 1959, 1964 dan 1966 Beliau dilantik sebagai Menteri Tak Berjawatan dalam Kabinet Malaysia pada 22 September 1970

Semasa dalam Kabinet, Tun Omar turut memainkan peranan penting dalam mengusulkan satu Rang Undang-undang Kesatuan Sekerja yang baru dalam Majlis Undang-undang Persekutuan tahun 1957 Rang Undang-undang ini bertujuan untuk menghalang Kesatuan Sekerja dari dipengaruhi oleh anasir-anasir komunis serta mengandungi peruntukan-peruntukan bagi mencegah wang Kesatuan Sekerja dari disalahgunakan

Tun Omar juga memainkan peranan utama dalam menempatkan semula setinggan-setinggan ke kawasan yang lebih terkawal bagi mencegah dari dipengaruhi komunis. Beliau juga adalah salah seorang Ahli Jawatankuasa Penasihat Perang Negeri dan menjadi Ketua Pegawai Pasukan Kawalan Kampung di Kuala Lumpur.

Sepanjang perkhidmatan beliau Tun Omar turut memimpin perwakilan Malaysia ke Persidangan-persidangan Buruh Antarabangsa tahun-tahun 1957 dan 1958. Beliau juga mewakili negara ke Persidangan Pertubuhan Kesihatan Sedunia pada tahun 1960 dan 1961, dan Persidangan Parlimen Komanwel di Canberra tahun 1959 dan di London tahun 1961.

Pada tahun 1961 dan 1962, Tun Omar mengetuai perwakilan Kerajaan Persekutuan Tanah Melayu dalam rundingan dengan perwakilan Sarawak mengenai gagasan pembentukan Malaysia. Beliau adalah salah seorang yang menandatangani Perjanjian Penubuhan Malaysia di London pada September 1963.

Tun Omar dilantik sebagai Duta Malaysia ke Amerika Syarikat pada Jun 1962. Pada masa yang sama menjadi Wakil Tetap Malaysia ke Bangsa-Bangsa Bersatu dari tahun 1962 - 1964 dan sebagai Pesuruhjaya Tinggi Malaysia ke Kanada pada tahun 1966. Pada tahun 1967 beliau ditugaskan ke Brazil sebagai Duta Besar Malaysia yang pertama. Jawatan Tun Omar di luar negeri berakhir pada November 1972 tetapi beliau terus memegang jawatan Menteri Tak Berfolio sehingga Februari 1973 apabila beliau dilantik sebagai Yang Dipertua Dewan Negara sehingga 31 Disember 1980.

Sepanjang perkhidmatanya kepada negara, Tun Omar banyak menyumbangkan jasa bakti yang tidak dapat dinilai oleh wang ringgit, jadi sebagai menghargai sumbangan tersebut beliau telah dianugerahkan darjah-darjah kebesaran negara. Pada tahun 1959 beliau dianugerahkan Darjah Kebesaran Panglima Mangku Negara (yang membawa gelaran Tan Sri), Darjah Kebesaran Dato' Paduka Mahkota Selangor pada tahun 1970, Darjah Kebesaran Seri Paduka Mahkota Selangor Kelas Pertama dan Darjah Kebesaran Seri Paduka Darjah Kinabalu pada tahun 1973 dan Darjah Kebesaran Seri Setia Mahkota pada tahun 1979 yang membawa gelaran Tun. Selain dari itu Tun turut menerima bintang-bintang

AT
MAJLIS PENGKISAHAN
'SATU DEKAD PEN'

14

| | | |
|------------|---|--|
| 9.00 pagi | - | Ketibaan para jemputan |
| | - | Ketibaan tokoh-tokoh Pengkisah |
| 9.20 pagi | - | Ketibaan Y. Bhg. Dato' Zakiah Hanum Ketua Pengarah, Arkib Negara Malaysia |
| 9.25 pagi | - | Ketibaan Y. Bhg. Dato' Matshah b. Sapuan Pengerusi Lembaga Pengurusan Persatuan Perpusatakan, Kuala Lumpur |
| 9.30 pagi | - | Ucapan Y. Bhg. Dato' Zakiah Hanum bt Hj. Abdul Hamid, Ketua Pengarah Arkib Negara Malaysia, Kuala Lumpur |
| 9.45 pagi | - | Ucapan perasmian Y. Bhg. Dato' Matshah b. Sapuan, Pengerusi Lembaga Pengurusan Persatuan Perpustakaan , Kuala Lumpur |
| 10.00 pagi | - | Jamuan ringan |

**TURCARA
AN SEJARAH KUALA LUMPUR
NUH CABARAN ' 1946 - 1956
JULAI 1994**

10.30 pagi - Sesi Pengkisahan Sejarah Kuala Lumpur
- 'Satu Dekad Penuh Cabaran' 1946-1956

Tokoh Pengkisah:

- * Y. Bhg. Tun Omar Ong Yoke Lin
- * Y. Bhg. Tan Sri S.O.K. Ubaidulla
- * Y. Bhg. Datin Sri Cempaka Hajah Kontik Kamariah bt. Ahmad

Pengerusi:

- * Y. Bhg. Prof. Madya Mahadzir b. Mohd Khir

12.30 tgh - Majlis penyampaian cenderamata

- Majlis Bersurai

Kehormatan yang tinggi dari kerajaan luar termasuk Persekutuan Republik Jerman, Korea dan Perancis. Pada tahun 1981, Tun dikurniakan Ijazah Kehormat Doktor Falsafah dari Universiti Malaya dan Pingat Emas Kelas Pertama dari negeri Sarawak tahun 1988.

Selain dari menjalankan tugas-tugas rasmi negara, Tun Omar juga tidak ketinggalan melibatkan diri dalam kerja-kerja kebajikan dan sukarela. Beliau mencraji beberapa pertubuhan seperti Persatuan Palang Merah, St. John Ambulans. Ahli Majlis Perkim dan banyak lagi persatuan lain.

Tun mendirikan rumah tangga dengan Toh Puan Dr Aishah dan dikurniakan dengan dua orang anak lelaki dan seorang anak perempuan.

V. BHG. TAN SRI S.O.K. UBAIDULLA

Tan Sri S.O.K. Ubaidulla dilahirkan pada 18 Jun 1918 di Rajaghiri, Madras, India. Beliau menerima pendidikan awalnya di Madrasah Kasimiah Madras. Selepas itu Tan Sri Ubaidulla telah menyambung pelajarannya ke Victoria Board High School, kemudian ke Jamalia Arabic College, India seterusnya beliau ke Universiti Madras sehingga memperolehi Ijazah "Bachelor of Arts" pada tahun 1937.

Tan Sri Ubaidulla tiba di Malaya pada tahun 1938 dan pada masa itu beliau menetap di Seremban untuk membantu keluarganya menjalankan perniagaan. Pada tahun 1952, Tan Sri Ubaidulla telah mengambil keputusan untuk berhijrah ke Kuala Lumpur untuk memulakan perniagaannya sendiri di bidang hartanah dan perkапalan.

Di samping kesibukan beliau menguruskan syarikat perniagaannya Tan Sri Ubaidulla masih lagi dapat meluangkan masa untuk bergiat cergas dalam persatuan dan pertubuhan. Antara pertubuhan yang disertainya secara aktif ialah PERKIM. Beliau merupakan Yang Dipertua pertubuhan ini dari tahun 1960 - 1964. Yang Dipertua Persekutuan Muslim Indo-Malaysia dari tahun 1969-1979. Beliau juga merupakan Ahli Majlis Pemegang Amanah Yayasan Dakwah Islamiyah Malaysia (YADIM) dari tahun 1979-1981.

Tan Sri Ubaidulla juga dikenali umum sebagai seorang yang dermawan dan banyak membantu badan-badan kebajikan, pusat-pusat pengajian, rumah anak-anak yatim, persatuan-persatuan Islam dan sebagainya. Sumbangan yang diberikan bukan sahaja dalam bentuk kewangan tetapi juga idea dan pendapat untuk memajukan badan berkenaan. Keahlian beliau dalam mana-mana pertubuhan atau kesatuan adalah atas dasar untuk memajukan badan berkenaan. Antaranya beliau adalah Ahli Majlis Kolej Islam sejak dari ditubuhkan hingga ke tahun 1966, Yang Dipertua Majlis Masjid India dari 1963 hingga 1980, Ahli Majlis Kebangsaan bagi Hal-Ehwal Agama Islam Malaysia dari tahun 1969 hingga 1972, Naib Pengurus Persekutuan Seruan Islam Selangor dan Wilayah Persekutuan sejak tahun 1958.

Selain dari itu Tan Sri Ubaidulla juga pernah memegang jawatan Naib Presiden Malaysian Indian Congress (MIC) dan pernah menduduki jawatan-jawatan penting seperti Ahli Majlis Undangan Persekutuan dari tahun 1948-1959, Ahli Dewan Negara dari tahun 1959-1980. Dilantik sebagai Timbalan Yang Dipertua Dewan Negara dari 1971 hingga 1980. Beliau juga menduduki Majlis Perpaduan Negara 1971

Tan Sri Ubaidulla juga pernah mewakili negara ke persidangan-persidangan antarabangsa, antaranya mewakili negara ke Persidangan Buruh Antarabangsa (ILO) di Geneva, selaku wakil Majikan-majikan Malaysia pada tahun-tahun 1963, 1964, 1965, 1967 dan 1974. Ahli kepada rombongan perdagangan Malaysia ke Taiwan pada 1963, ke Russia pada tahun 1966 dan ke China pada tahun 1971

Sebagai mengenang jasa-jasanya kepada masyarakat dan negara Tan Sri Ubaidulla telah dianugerahkan dengan darjah-darjah kebesaran iaitu Johan Mangku Negara (J.M.N.) pada tahun 1961, Datuk Paduka Mahkota Selangor (D.P.M.S.) 1967 dan Panglima Setia Mahkota (P.S.M.) pada 1973. Beliau juga menerima anugerah-anugerah "*Coronation Selangor Medal*", "*Malaysian Silver Medal*", "*Presidential Award for Cultural Merit*". dari Kerajaan Korea pada tahun 1965 dan pada tahun 1989 dipilih sebagai tokoh Maal Hijrah 1410H

Tan Sri Ubaidulla menghabiskan masa lapangnya dengan membaca dan menulis mengenai agama Islam. Tulisan-tulisan beliau pernah disiarkan dalam akhbar dan majalah dalam 3 bahasa iaitu Bahasa Malaysia, Bahasa Inggeris dan Tamil. Beliau mendirikan rumah tangga dengan Puan Sri Menrunnisa Mohideen dan mempunyai dua orang anak lelaki

**Y.BHG. DATIN SRI CEMPAKA HAJAH
KONTIK KAMARIAH BT. AHMAD**

Datin Sri Cempaka Hajah Kontik Kamariah telah dilahirkan di Kuala Lumpur pada 5 Ogos 1911. Beliau adalah anak kepada bekas Penghulu Kuala Lumpur, iaitu Ahmad bin Panglima Garang Ishak. Datin Sri Cempaka telah mendapat pendidikan awalnya di Sekolah Seputch, Kuala Lumpur dari tahun 1919-1923 (sehingga darjah lima), kemudian meneruskan pelajarannya ke Sekolah Perempuan Methodist, Kuala Lumpur dari tahun 1923-1928 sehinggalah beliau lulus "Senior Cambridge". Kejayaan beliau ini merupakan satu kebanggaan kerana beliau merupakan wanita Melayu pertama yang berjaya mendapat kelulusan "School Certificate".

Pada tahun 1929 Datin Sri Cempaka telah mengikuti kursus perguruan di English Normal Teacher Training Centre, dan beliau pernah ditugaskan mengajar di Sekolah Perempuan Methodist. Setelah tamat kursus Datin Sri Cempaka telah dilantik sebagai pemerhati di Sekolah Melayu Perempuan, Kampong Baru. Kemudian beliau dilantik pula sebagai Penyelia bagi sekolah-sekolah Melayu Selangor, dari tahun 1932 - 1945. Sewaktu berkhidmat sebagai Guru Besar di Sekolah Inggeris Kampung Bahru, Alor Star, Kedah dari tahun 1945-1948, beliau telah berusaha mengerakkan kembali sekolah tersebut. Sekolah ini kemudian di kenali sebagai Sekolah Sultanah Asma. Setelah itu beliau ke bali bertugas di Selangor sehingga tahun 1956. Pada tahun 1956, Datin Sri Cempaka telah meletakkan jawatan untuk sementara waktu kerana mengikut suaminya yang ditugaskan keluar negeri.

Di samping menjalankan tugas sebagai seorang guru, Datin Sri Cempaka juga aktif di dalam pertubuhan-pertubuhan yang bercorak koperasi dan politik. Beliau mula menceburkan diri di dalam koperasi pada tahun 1932 sebagai ahli "Selangor Goverment Servants Co-op Thrift and Loan Society" dan menjadi ahli Jawatankuasa Koperasi tersebut sehingga tahun 1940. Beliau kemudian dilantik menjadi Pengurus koperasi tersebut dan Presiden bagi "Co-operative Union of Malaya" pada tahun 1955 hingga 1957. Datin Sri Cempaka pernah mewakili koperasi dalam persidangan "Co-op Alliance Congress" peringkat antarabangsa di Stockholm, Sweden dalam tahun 1957. Di samping itu beliau juga menyertai

pertubuhan-pertubuhan lain seperti "*Midland Co-op Union*", "*Co-op Union of Malaya*". "*Co-op Insurance of Malaya*" dan Ahli Lembaga Maktab Kerjasama. Pada tahun 1954 Datin Sri Cempaka menubuhkan Koperasi Bangunan Rumah-Rumah Pegawai-Pegawai Melayu Selangor dan menjadi Yang Dipertua Syarikat tersebut sehingga 1964 dan pada tahun 1975 beliau sekali lagi dilantik sebagai Yang Dipertua.

Di bidang politik pula, Datin Sri Cempaka telah melibatkan diri secara cergas melalui pertubuhan UMNO di mana beliau menjadi Setiausaha Kaum Ibu UMNO, Kampong Baru, Kuala Lumpur bagi tahun 1955-1956. Pada tahun 1967-1977, beliau dipilih pula sebagai Ahli Jawatankuasa UMNO bagi Cawangan Gombak Setia. Pada tahun 1975-1979 beliau dilantik menjadi Ahli Jawatankuasa Bahagian Selayang di mana beliau adalah Naib Pengurus dan kemudiannya dilantik sebagai Pengurus pada tahun 1977

Datin Sri Cempaka juga bergiat cergas di dalam kegiatan sosial dan pernah dilantik sebagai pelawat Hospital Besar dan Penjara Pudu, Kuala Lumpur dari tahun 1937-1939. Di samping itu beliau juga menjadi Kapten Pasukan Pandu Puteri Sekolah Kampong Baru, Kuala Lumpur Manakala pada tahun 1979 beliau dilantik menjadi Ahli Jawatankuasa Majlis Daerah Gombak.

Sebagai mengenangkan jasa-jasanya yang telah beliau sumbangkan kepada masyarakat, Datin Sri Cempaka telah dianugerahkan dengan beberapa pingat di antaranya B.E.M (*British Empire Medal*) dari Kerajaan Inggeris pada tahun 1953 atas jasa-jasa dalam Koperasi Manakala pada tahun 1964 beliau telah dianugerahkan pula Pingat Jasa Kebaktian (P.J.K.) dan kemudian Pingat Jaksa Pendamai (J.P.) dari Kerajaan Negeri Selangor pada tahun 1969. Pada 8 Mac 1979 beliau dilantik oleh D Y M M Sultan Selangor menjadi Orang Kaya Bijaya Gombak dengan gelaran Datin Sri Cempaka

**AHLI JAWATANKUASA
PENGKISAHAN SEJARAH
KUALA LUMPUR 'SATU DEKAD PENUH CABARAN'
1946-1956**

- Pengerusi : Mejar (B) Shaik Md. Noor
Shaik Abdul Rahman
(Pustaka Peringatan K. Lumpur)
- Ahli : En. Shamsi Shariff
(Arkib Negara Malaysia)
- : Pn. Hajah Alimah Salam
(Pustaka Peringatan K. Lumpur)
- : Pn. Azimah Md. Ali
(Arkib Negara Malaysia)
- : Pn. Sulasteri Abd. Hamid
(Arkib Negara Malaysia)
- Setiausaha : En. Ahmad Junaidi Hj. Tajuddin
(Pustaka Peringatan K. Lumpur)

PENGHARGAAN

Y. Bhg. Dato' Matshah b. Sapuan

Y. Bhg. Tun Omar Ong Yoke Lin

Y. Bhg. S.O.K. Ubaidulla

Y. Bhg. Datin Sri Cempaka Kontik Kamariah bt Ahmad

Y. Bhg. Prof. Madya Mahadzir b. Mohd. Khir

Pustaka Peringatan Kuala Lumpur

Dewan Bandaraya Kuala Lumpur

Akhbar-akhbar Tempatan

Majalah Tempatan

Radio Televisyen Malaysia

Sistem Televisyen Malaysia Bhd.

**Kepada semua yang terlibat
sama ada secara langsung atau tidak langsung
dalam menjayakan**

Majlis Pengkisahan Sejarah Kuala Lumpur.

